

# Litšupiso Tsa Bukana ea Seboka sa Bophelo le Tšebeletso ea Rona

## LA 6-12 AUGUST

MATLOTLO A TSOANG BIBELENG | LUKA  
17-18

### "E-ba ea Lebohang"

**(Luka 17:11-14)** Ha a ntse a e-ea Jerusalema o ne a feta bohareng ba Samaria le Galilea. <sup>12</sup> Eare ha a kena motsaneng o itseng banna ba leshome ba nang le lepera ba kopana le eena, empa ba emella hôle. <sup>13</sup> Eaba ba phahamisa mantsoe ba re: "Jesu, Morupeli, re hauhele!" <sup>14</sup> Ha a ba bona a re ho bona: "E-eang 'me le iponahatse ho baprista." Joale eare ha ba tloha ba hloeka.

**Litlhaloso tsa Lu 17:12, 14 tse ho nwtsty-E banna ba leshome ba nang le lepera:** Ho hla-kile hore mehleng ea Bibele balepera ba ne ba tsamaea 'moho kapa ba lula ka lihlopha e le hore ba ka thusana. (2Ma 7:3-5) Molao oa Molimo o ne o re balepera ba lule thoko le batho. Molepera o ne a lokela ho hoelehetsa a re: "Ha kea hloeka, ha kea hloeka!" e le ho hlokamelisa batho hore ba se ke ba atamela. (Le 13:45, 46) Ka lebaka la Molao oo, balepera **ba ile ba emella thoko** ho Jesu. Sheba litlhaloso tsa Mat 8:2 tse ho nwtsty-E le Thahlamano ea mantsoe, "Lepera."

**le iponahatse ho baprista:** Ha Jesu Kreste a ne a le lefatšeng, o ne a phela tumellanong le Molao, ke kahoo a neng a laela balepera bao a ba phekotseng hore ba ee ho moprista oa leloko la Arone hobane Molao o ne o laela joalo. (Mat 8:4; Mar 1:44) Ho latela Molao oa Moshe, baprista e ne e le bona ba netefatsang hore molepera o folile. Molepera ea folisitsoeng o ne a loke-la ho tsamaea ho ea tempeleng ho ea fana ka mpho ea hae e leng nonyana tse peli tse phelang, lehong la kedare, khoele e 'mala o sekareleta le hysopa.—Le 14:2-32.

**(Luka 17:15, 16)** E mong oa bona, ha a bona

hore o folisitsoe, a khutla, a tlotlisa Molimo ka lentsoe le phahameng. <sup>16</sup> Eaba o itihela fatše ka sefahleho maotong a Jesu, oa mo leboha; ho feta moo, e ne e le Mosamaria.

**(Luka 17:17, 18)** Ha Jesu a araba a re: "Ho hloekisitsoe ba leshome, na ha ho joalo? Joale, ba bang ba robong ba hokae? <sup>18</sup> Na ha hoa fumanoa ba khutlileng ho tla tlotlisa Molimo haese monna enoa oa sechaba se seng?"

w08 8/1 14-15 ¶8-9

### Ke Hobane'ng ha U Lokela ho Leboha?

Na Jesu ha aa ka a ba le taba ha ba bang ba sa lebohe? Tlaleho ena e tsoela pele e re: "Ha Jesu a araba a re: 'Ho hloekisitsoe ba leshome, na ha ho joalo? Joale, ba bang ba robong ba hokae? Na ha hoa fumanoa ba khutlileng ho tla tlotlisa Molimo haese monna enoa oa sechaba se seng?'—Luka 17:17,18.

Balepera ba bang ba robong e ne e se batho ba khopo. Pejana ba ne ba ile ba bontša pepenene hore ba na le tumelo ho Jesu 'me ba lumela ha a ba laela hore ba ee Jerusalema ba iponahatse ho baprista. Leha ho le joalo, le hoja ho se pelaelo hore ba ne ba ananela haholo mosa oo Jesu a ba bontšitseng oona, ha baa ka ba mo leboha. Seo ba se entseng se ile sa soabisa Kreste. Rōna? Ha motho e mong a re etselitse ntho e ntle, na re potlakela ho leboha, 'me ha re kho-na re mo romele karete ea teboho?

### Batlisia Matlotlo a Patiloeng

**(Luka 17:7-10)** "Ke mang ho lōna ea nang le lekhoba le lemang kapa le hlokamelang mol-hape ea tla re ho lona ha le tsoa tšimong, 'Tloo mona hang-hang 'me u otle ka lehlakore tafoleng'? <sup>8</sup> Ho e-na le hoo, na a ke ke a re ho lona, 'Ntokisetse ho hong hore ke je lijo tsa ka tsa shoalane, u apare foreskoto 'me u ntšebeletse ho fihlela ke qeta ho ja le ho noa, 'me ka mor'a moo u ka ja oa noa'? <sup>9</sup> A ke

ke a leboha lekhoba leo hobane le ile la etsa lintho tseo le li abetsoeng, na ha ho joalo? <sup>10</sup> Kahoo le lōna, ha le entse lintho tsohle tseo le li abetsoeng, le re, ‘Re makhoba a se nang molemo. Seo re se entseng ke seo re neng re tšoanelo hore ebe re se entse.’”

### Litlhaloso tsa Lu 17:10 tse ho nwtsty-E

**a se nang molemo:** Ka Segerike poleloana ena e bolela: “a se nang thuso kapa a se nang molemo.” ’Moko-taba oa papiso ea Jesu e ne e se ho etsa hore **makhoba**, e leng barutuo ba hae, ba ikutloe ba se na thuso kapa e se ba bohloko. Poleloana “a se nang molemo” ho latela moevelo oa eona mona, e fetisa kutloisiso a hore barutuo ba lokela ho italima ka tsela e loke-tseng, ba se ke ba inka ba lokela ho tšoaroa ka tsela e khetheleng. Litsebi tse ling li re taba ena e sebelisitsoe mona ke pheletso ha e re: “re makhoba feela tje a sa tlamehang ho fuoa tlhokomelo e ikhethang.”

**(Luka 18:8)** Kea le bolella, O tla etsa hore ba etsetsoe toka ka potlako. Leha ho le joalo, ha Mor'a motho a fihla, na ka sebele o tla fumana tumelo lefatšeng?”

### Litlhaloso tsa Lu 18:8 tse ho nwtsty-E

**tumelo ena:** kapa “mofuta ona oa tumelo” ka Segerike poleloana ena “tumelo.” Tšebeliso ea lesupa la Segerike le tlang pele ho lentsoe “tumelo” le bontša hore Jesu o ne a sa bue ka tumelo ka kakaretso empa o ne a bua ka mofuta o mong oa tumelo, joaloka o papisong ea Jesu ea mohlolohali. (Lu 18:1-8) Sena se akare-lletsa ho ba le tumelo ea hore thapelo e ka re thusa, le ho ba le tumelo ea hore Molimo o tla etsa hore ho be le toka bakeng sa bakhethoa ba hae. Jesu ha aka araba potso ena e buang ka tumelo, e le hore barutuo ba hae ba nahanisse ka hore na tumelo ea bona e matla ha kae. Papiso ea thapelo le tumelo e ne e loketse hobane Jesu o ile a bolella barutuo ba hae liteko tseo ba neng ba tl'o tobana le tsona.—Lu 17: 22-37.

### 'Malo oa Bibele

**(Luka 18:24-43)** Jesu a mo talima 'me a re: “E tla ba ntho e thata hakaakang bakeng sa ba nang le chelete ho kena 'musong oa Molimo! <sup>25</sup> Ha e le hantle, ho bonolo hore kamele e tsoe lesobeng la nale ea ho rōka ho e-na le hore morui a kene 'musong oa Molimo.” <sup>26</sup> Ba ileng ba utloa sena ba re: “Ke mang eo ho ka khonehang hore a pholohe?” <sup>27</sup> A re: “Lintho tse ke keng tsa khoneha ho batho lia khoneha ho Molimo.” <sup>28</sup> Empa Petrose a re: “Bona! Re siile lintho tsa rōna 'me ra u latela.” <sup>29</sup> A re ho bona: “Kannete ke re ho lōna, Ha ho ea siileng ntlo kapa mosali kapa barab'abo kapa batsoali kapa bana ka leba-ka la 'muso oa Molimo <sup>30</sup> eo ka tsela leha e le efe a ke keng a fumana ho eketsehileng ka makhetlo a mangata nakong ena, 'me tsa-maisong ea lintho e tlang a fumane bophelo bo sa feleng.” <sup>31</sup> Joale a nkela ba leshome le metso e 'meli ka thōko eaba o re ho bona: “Bonang! Re nyolohela Jerusalema, 'me lintho tsohle tse ngotsoeng ka baprofeta mabapi le Mor'a motho li tla phetheha.” <sup>32</sup> Ka mohlala, ho tla nehelanoa ka eena ho batho ba licha-ba 'me o tla fetoloa litše-ho le ho nyelisoa le ho tšoeloa ka mathe; <sup>33</sup> 'me ka mor'a ho mo shapa ba tla mo bolaea, empa o tla tsoha ka letsatsi la boraro.” <sup>34</sup> Leha ho le joalo, ha baa ka ba utloisia leha e le efe ea lintho tsena; empa polelo ena ba ne ba e patetsoe, 'me ba ne ba sa tsebe lintho tse boleloang. <sup>35</sup> Joale eare ha a atamela Jeriko monna ea itseng ea foufetseng o ne a lutse ka thōko ho tse-la a kōpa. <sup>36</sup> Ka lebaka la hore o ile a utloa bongata bo fetang a qala ho botsisia hore na ekaba sena se bolela'ng. <sup>37</sup> Ba mo tlalehe-la: “Jesu Monazaretha oa feta!” <sup>38</sup> Eaba oa hoeletsa, o re: “Jesu, Mora oa Davida, nkau-hele!” <sup>39</sup> Ba neng ba tsamaea ka pele ba qala ho mo bolella ka thata-thata hore a khutse, empa a 'na a hooa ka ho eketsehileng: “Mora

oa Davida, nkauhele.” <sup>40</sup> Joale Jesu a ema 'me a laela hore monna eo a tlisoe ho eena. Ka mor'a hore a atamele, Jesu a mo botsa: <sup>41</sup> “U batla hore ke u etsetse'ng?” A re: “Morena, e-re ke boele ke bone.” <sup>42</sup> Kahoo Jesu a re ho eena: “U boele u bone; tumelo ea hao e u folisitse.” <sup>43</sup> Hang-hang a boela a bona, 'me a qala ho mo latela, a tlotlisa Molimo. Hape, ha batho bohle ba bona seo, ba fana ka thoriso ho Molimo.

## LA 13-19 AUGUST

### MATLOTLO A TSOANG BIBELENG | LUKA 19-20

#### “Ithute Papisong ea Limina Tse Leshome”

(Lu 19:12, 13) Ka hona a re: “Monna ea itseng oa tsoalo ea borena o ile a etela naheng e höle ho ea iphumanel matla a borena 'me a khutle. <sup>13</sup> Ha a bitsa makhoba a hae a leshome a a fa limina tse leshome eaba oa a bolella, ‘Hoebang ho fihlela ke tla.’

#### jy-E 232 ¶2-4

#### Papisong ea Hae ea Limina Tse Leshome

A re: “Monna ea itseng oa tsoalo ea borena o ile a etela naheng e höle ho ea iphumanel matla a borena 'me a khutle.” (Luka 19:12) Leeto lena le ne le tla nka nako e telele. Ho hlakile hore Jesu ke eena “monna ea itseng oa tsoalo ea borena” ea ileng a etela “naheng e höle,” e leng leholimong, moo Ntate oa hae a neng a tla mo fa matla a borena.

Papisong ena, pele “monna ea itseng oa tsoalo ea borena” a tsamaea, o ile a bitsa makhoba a hae a leshome a fa e mong le e mong limina tsa silevera a re ho bona: “Hoebang ho fihlela ke tla” (Luka 19:13) Limina tsa silevera ke chelete ea bohloko. Mina e le 'ngoe e lekana le moputsa oo motho ea sebetsang ka temo a ka o fumanang ka khoeli tse tharo.

E ka 'na eaba barutua ba Jesu ba utloisia hore ba tšoana le makhoba a leshome a hla-

hang papisong, hobane Jesu o ne a ile a re ba joaloka bakotuli. (Matheu 9:35-38) Ha e le hantle, o ne a sa re ba tlise koro empa o ne a re ba etse barutua ba tla rua 'Muso oa Molimo. E le hore ba khone ho etsa seo, ba ile ba sebelisa sohle seo ba nang le sona.

(Luka 19:16-19) Joale la pele la itlhahisa, le re, ‘Morena, mina ea hao e fumane phaello ea limina tse leshome.’ <sup>17</sup> Kahoo a re ho eena, ‘U entse hantle, lekhoba le molemo! Ka lebaka la hore u tsepahetse tabeng e nyenyane haholo, e-ba le bolaoli metseng e leshome.’ <sup>18</sup> Joale la bobeli la tla, le re, ‘Morena, mina ea hao e entse limina tse hlano.’ <sup>19</sup> Le ho lona a re, ‘Le uena, laola metse e mehlano.’

#### jy-E 232 ¶7

#### Papisong ea Hae ea Limina Tse Leshome

Barutua ba ka kholiseha hore Jesu o thabela mosebetsi oa bona haeba ba eleloa hore ke makhoba a sebelisang seo ba nang le sona ho etsa barutua ba eketsehileng. Ba ka kholiseha hore Jesu o tla ba putsa ka mosebetsi oa bona o tsoileng matsoho. Ho hlakile hore barutua ba Jesu ba na le menyetla, bokhoni le maemo a sa tšoaneng. Leha ho le joalo, Jesu ea nang le matla a ho busa, o tla ela hloko boiteko boo ba bo etsang ba ho etsa barutua a be a ba hlohonolofatse.—Matheu 28:19, 20.

(Luka 19:20-24) Empa le leng la tla, le re, ‘Morena, mina ea hao ke ena, eo ke ileng ka e boloka ka har'a lesela.’ <sup>21</sup> Ke ne ke u tšaba, hobane u motho ea sa utloeleng bohloko; u nka seo u sa kang ua se boloka 'me u kotula seo u sa kang ua se jala.’ <sup>22</sup> A re ho lona, ‘Ke u ahloka ka se tsoang molomong oa hao, lekhoba le khopo. U tsebile hore ke motho ea sa utloeleng bohloko, ea nkang seo ke sa kang ka se boloka le ea kotulang seo ke sa kang ka se jala, na ha ho joalo?’ <sup>23</sup> Kahoo ke hobane'ng ha u sa ka ua kenya chelete ea ka ea silevera bankeng? Joale ha ke fihla nka be ke e nkile

le phaello.' <sup>24</sup> "Eaba o re ho ba emeng haufi, 'Mo amoheng mina 'me le e fe ea nang le limina tse leshome.'

### jy-E 233 ¶1

#### Papisong ea Hae ea Limina Tse Leshome

Ka lebaka la ho hloleha ho eketsa leruo la mong'a hae, lekhoba lena ha lea ka la etsa phaello. Baapostola ba lebeletse ha Jesu a se a busa 'Musong oa Molimo. Ho latela seo Jesu a se buang ka lekhoba lena, baapostola baa hlok-mela hore haeba ba sa sebetse ka thata, ba ke ke ba rua 'Muso oa Molimo.

#### Batlisia Matlotlo a Patiloeng

**(Luka 19:43)** Hobane matsatsi a tla u tlela ha lira tsa hao li tla haha thibello e nang le lithupa tse nchocho ho u likoloha 'me li tla u pota-pota li u bakele mahlomola ka mahlakoren 'ohle.

#### Litlhaloso tsa Luka 19:43 tse ho nwtsty-E

**thibello e nang le lithupa tse nchocho:** Kapa "lekhoakhoa la lithupa tse motsu." Lentsoe lena la Segerike *kha'rax* le hlaho mona feela ka Mangolong a Segerike a Bakreste. Le hhalositsoe e le 'thupa e motsu kapa palo e etsang lekhoakhoa' 'me hape e ne e le lithupa tse sebelisoang ho 'teratela kampo ea masole' e entsoeng ka lithupa. Mantsoe a Jesu a ile a phethahala ka selemo sa 70 ha Baroma, ka taelo ea Titus, ba likaliketsa Jerusalema ka thibello ea lithupa tse motsu. Titus o ne a na le merero e meraro, oa pele, o ne a batla ho sitisa Bajuda ho baleha. Oa bobeli e ne e le ho etsa hore ba inehele. Oa boraro e ne e le ho ba bolaisa tlala e le hore ba inehele. Masole a Baroma a ile a rema lifate libakeng tse ka thoko ho naha e le ho etsa thibello ho potoloha le Jerusalema.

**(Luka 20:38)** Eena ke Molimo oa ba phelang, eseng oa bafu, kaha kaofela baa phela ho eena."

#### Litlhaloso tsa Luka 20:38 tse ho nwtsty-E

**kaha kaofela baa phela ho eena:** Kapa "kaha

kaofela baa phela ho ea ka eena." Bibebe e re ba phelang empa ba se na kamano le molimo ha ba phele ho ea ka eena. (Ef 2:1; 1Ti 5:6) Ka ho tšoanang, bahlanka ba Molimo ba shoang ba tšepahala, ba ntse ba phela ho ea ka eena kaha morero oa hae oa hore a ba tsose bafung, joang kapa joang o tla phethahala.—Bar 4:16, 17.

#### 'Malo oa Bibebe

**(Luka 19:11-27)** Ha ba ntse ba mametse lintho tsena a eketsa ka ho bolela papiso e 'ngoe, hobane o ne a le haufi le Jerusalema 'me ba ne ba nahana hore 'muso oa Molimo o ne o tla iponahatsa hang-hang. <sup>12</sup> Ka hona a re: "Monna ea itseng oa tsoalo ea borena o ile a etela naheng e hōle ho ea iphumane-la matla a borena 'me a khutle. <sup>13</sup> Ha a bitsa makhoba a hae a leshome a a fa limina tse leshome eaba oa a bolella, 'Hoebang ho fihle-la ke tla.' <sup>14</sup> Empa baahi ba ha habo ba ne ba mo hloile eaba ba roma sehlopha sa manόosa ka mor'a hae, ho re, 'Ha re batle hore monna enoa e be morena oa rōna.' <sup>15</sup> "Qetellong ha a khutla ka mor'a ho iphumanela matla a borena, a laela hore ho bitsetsoe makhoba ana ho eena ao a neng a a file chelete ea silevera, e le hore a fumane hantle hore na a ne a fumane phaello efe khoebong. <sup>16</sup> Joale la pele la itlhahisa, le re, 'Morena, mina ea hao e fumane phaello ea limina tse leshome.' <sup>17</sup> Kahoo a re ho eena, 'U entse hantle, lekhoba le molemo! Ka lebaka la hore u tšepahetse tabeng e nyenyane haholo, e-ba le bolaoli me-tseng e leshome.' <sup>18</sup> Joale la bobeli la tla, le re, 'Morena, mina ea hao e entse limina tse hla-no.' <sup>19</sup> Le ho lona a re, 'Le uena, laola metse e mehlano.' <sup>20</sup> Empa le leng la tla, le re, 'Morena, mina ea hao ke ena, eo ke ileng ka e boloka ka har'a lesela. <sup>21</sup> Ke ne ke u tšaba, hobane u motho ea sa utloeleng boholoko; u nka seo u sa kang ua se boloka 'me u kotula seo u sa kang ua se jala.' <sup>22</sup> A re ho lona, 'Ke u ahlola ka se tsoang molomong oa hao, le-

khoba le khopo. U tsebile hore ke motho ea sa utloeleng bohloko, ea nkang seo ke sa kang ka se boloka le ea kotulang seo ke sa kang ka se jala, na ha ho joalo? <sup>23</sup> Kahoo ke hobane'ng ha u sa ka ua kenya chelete ea ka ea silevera bankeng? Joale ha ke fihla nka be ke e nkile le phaello.' <sup>24</sup> "Eaba o re ho ba emeng haufi, 'Mo amoheng mina 'me le e fe ea nang le limina tse leshome.' <sup>25</sup> Empa ba re ho eena, 'Morena, o na le limina tse leshome!'—<sup>26</sup> 'Ke re ho lōna, E mong le e mong ea nang le letho, o tla fuoa ho eketsehileng; empa ea se nang letho, o tla amohua le seo a nang le sona. <sup>27</sup> Ho feta moo, lira tsena tsa ka tse neng li sa batle hore ke be morena oa tsona li tliseng mona 'me le li bolaee ka pel'a ka.'

## LA 20-26 AUGUST

### MATLOTLO A TSOANG BIBELENG | LUKA 21-22

#### "Topollo ea Lōna ea Atamela"

**(Luka 21:25)** "Hape, ho tla ba le lipontšo letsatsing le khoeling le linaleling, 'me lefatšeng lichaba li tla ba matšoenyehong, li sa tsebe tsela ea ho tsoa ka lebaka la ho luma ha leoatle le ho tsukutleha ha lona.

**kr 226 ¶9**

'Muso oa Molimo o Felisa Lira Tsa Oona

<sup>9</sup> **Limakatso tsa leholimo.** Jesu o ile a re: "Le-tsatsi le tla fifala, 'me khoeli e ke ke ea fana ka leseli la eona, le linaleli li tla oa leholimong." Ka sebele batho ba ke ke ba hlola ba batla tataiso ho baeta-pele ba bolumeli. Na Jesu o ne a boetse a bua ka liketsahalo tsa mohlolo tse tla etsahala leholimong? Mohlomong o ne a bua ka tsona. (Esa. 13:9-11; Joele 2:1, 30, 31) Lichaba li tla etsa'ng ha li li bona? Li tla ba "matšoenyehong" hobane "li sa tsebe tsela ea ho tsoa." (Luka 21:25; Sof. 1:17) Ka sebele lira tsa 'Muso oa Molimo—ho tloha ho 'marena' ho ea ho 'makhoba'—li tla "ilibana ke tšabo le tebello

ea lintho tse tlang" ebe lia baleha. Li ke ke tsa fumana sebaka se sireletsehileng sa ho ipatela bohale ba Morena oa rōna.—Luka 21:26; 23:30; Tšen. 6:15-17.

**(Luka 21:26)** ha batho ba ilibana ke tšabo le tebello ea lintho tse tlang holim'a lefatše leo ho ahiloeng ho lona; etsoe matla a maholimo a tla sisinyeha.

**(Luka 21:27, 28)** Joale ba tla bona Mor'a motho a tla ka lerus ka matla le khanya e khōlō. <sup>28</sup> Empa ha lintho tsena li qala ho etsahala, le eme tsoee! 'me le phahamise lihlooho, hobane topollo ea lōna ea atamela."

**w16.01 10-11 ¶17**

**Tsoelang Pele ho Rata Barab'abo Lōna!**

<sup>17</sup> 'E-bang sebete.' (Bala Baheberu 13:6.) Ha re tšepa Jehova re tla ba le sebete sa ho mamella liteko tse re hlahelang. Seo se tla boela se re thuso ho ba le boikutlo bo nepahetseng. 'Me ha re e-na le boikutlo bo nepahetseng, re tla bo-ntša barab'abo rōna hore rea ba rata ka hore re ba khotthatse le ho ba tšelisa. (1 Bathesalonika 5:14,15) Esita le nakong ea matšoenyeho a maho re tla lokela ho ba sebete, kaha re tla be re tseba hore topollo ea rōna e atametse.—Luka 21:25-28.

**w15 7/15 13 ¶13**

**'Topollo ea Lōna e Atametse'!**

<sup>13</sup> Lipōli li tla etsa'ng ha li lemoha hore li tl'o timetsoa? Li tla "ikotla ka lebaka la ho lla." (Matheu 24:30) Empa batlotsuo le ba ba tše-hetsang bona ba tla etsa'ng? Ba tla etsa seo Jesu a se boletseng, ha a re: "Ha lintho tsena li qala ho etsahala, le eme tsoee! 'me le phahamise lihlooho, hobane topollo ea lōna ea atamela." —Luka 21:28. Kahoo re ka kholiseha hore re tla pholoha.

#### Batlisisa Matlotlo a Patiloeng

**(Luka 21:33)** Leholimo le lefatše li tla feta, empa ho hang mantsoe a ka a ke ke a feta.

## Litlhaloso tsa Lu 21:33 tse ho nwtsty-E

**Leholimo le lefatše li tla feta:** Mangolo a mang a re leholimo le lefatše li tla ema ho isa nakong e sa lekanyetsoang. (Gen 9:16; Pes 104:5; Moe 1:4) Mantsoe ana a Jesu a ne a ka utloisisoa e le pheletso, le haeba ho ne ho ka etsahala hore maholimo le lefatše li fete, mantsoe a Jesu a ne a tla phethahala. (bapisa le Mat 5:18.) Leha ho le joalo, leholimo le lefatše tseo ho buang ka tsona mona ho ka etsahala hore ebe ke tsa tšoantšetso tseo Tše 21:1 e reng ka tsona: “leholimo la pele le lefatše la pele li ne li fetile.”

**ho hang mantsoe a ka a ke ke a feta:** Kapa “joang kapa joang mantsoe a ka a ke ke a feta.” Taba ea hore Segerike se sebelisetse maetsi a mabeli a bontšang ho hana, seo se bontša hore mantsoe a Jesu a tla lula a le joalo, a ke ke a oela fatše.

**(Luka 22:28-30)** “Leha ho le joalo, ke lōna ba nkhomaretseng litekong tsa ka; <sup>29</sup> ‘me ke etsa selekane le lōna, feela joalokaha Ntate a entse selekane le ’na, bakeng sa ’muso, <sup>30</sup> e le hore le ka ja le ho noa tafoleng ea ka ’muso song oa ka, le ho lula literoneng ho ahlola meloko e leshome le metso e ’meli ea Israele.

w14 10/15 16 ¶15-16

### “Le Tla Fetoha ’Muso oa Baprista”

<sup>15</sup> Ka mor’ a hore Jesu a thehe Lijo Tsa Shoalane Tsa Morena, o ile a etsa selekane le barutuo a ba hae ba tšepahalang, ‘me se atisa ho bitsoa selekane sa ’Muso. (Bala Luka 22:28-30.) Ho fapania le lilekane tse ling, tseo Jehovah e bang karolo ea tsona, sena se pakeng tsa Jesu le balateli ba hae ba tlotsitsoeng. Ho bonahala eka ha Jesu a ne a re, “feela joalokaha Ntate a entse selekane le ’na,” o ne a bua ka selekane seo Jehovah a se entseng le eena hore e be “moprista ka ho sa feleng ho ea ka mokhoa oa Melkizedeke.”—Babeb. 5:5,6.

<sup>16</sup> Baapostola ba 11 ba tšepahalang ‘ba ile ba khomarela Jesu litekong tsa hae.’ Selekane sa

’Muso se ile sa ba tiisetsa hore ba tla ba le eena leholimong ’me ba lule literoneng ho busa e le marena le ho sebeletsa e le baprista. Empa tokelo eo e ne e sa tl’o fumanoa ke bao ba 11 feela. Jesu ea tlotsitsoeng o ile a hlaha ho moapostola Johanne ponong ’me a re: “Ea hlōlang ke tla mo neha ho lula le ’na teroneng ea ka, esita le joalokaha ke ile ka hlōla ’me ka lula le Ntate teroneng ea hae.” (Tšen. 3:21) Kahoo, selekane sa ’Muso se entsoe le Bakreste ba 144 000 ba tlotsitsoeng. (Tšen. 5:9, 10; 7:4) Selekane sena ke tumellano ea molao e ba lumellang hore ba buse le Jesu leholimong. Se tšoana le monyaluoa ea tsoang lelapeng le hlomphehang ea nyaloang ke morena ’me a kopanela puso le eena. Ha e le hantle, Mangolo a re Bakreste ba tlotsitsoeng ke “monyaluoa” oa Kreste, “moroetsana ea hloekileng” ea tšepisitsoeng lenyalo ke Kreste.—Tšen. 19:7, 8; 21:9; 2 Bakor. 11:2.

### ’Malo oa Bibele

**(Luke 22:35-53)** A boela a re ho bona: “Ha ke le romela le se na sepache le mokotla oa lijo le meqathatso, ha lea ka la hloka letho, na ha ho joalo?” Ba re: “Che!” <sup>36</sup> Joale a re ho bona: “Empa joale ea nang le sepache a ke a se nke, le mokotla oa lijo ka ho tšoanang; ’me ea se nang sabole a ke a rekise seaparo sa hae sa ka ntle ’me a e reke. <sup>37</sup> Etsoe kea le bolla hore sena se ngotsoeng se tla phethahala ho ’na, e leng, ‘O ile a balleloa le ba sa eeng ka molao.’ Kaha se nkamang sea phethahala.” <sup>38</sup> Joale ba re: “Morena, bona! lisabole tse peli ke tsena.” A re ho bona: “Ho lekane.” <sup>39</sup> Ha a tsoa o ile a ea Thabeng ea Mehloaare kamoo e neng e le tloaelo; eaba barutuo a le bona baa mo latela. <sup>40</sup> Ha a fihla sebakeng seo a re ho bona: “Tsoelang pele ho rapela, hore le se ke la kena molekong.” <sup>41</sup> Eaba o ikhula ho bona hoo e ka bang sebaka sa ha ho betsoa lejoe, ’me a khumama eaba o qala ho rapela, <sup>42</sup> a re: “Ntate, haeba u lakatsa, tlosa senoelo sena ho ’na. Leha ho le joalo, ho ke ho etsahale

thato ea hao, eseng ea ka.” <sup>43</sup> Joale lengeloi le tsoang leholimong la bonahala ho eena ‘me la mo matlafatsa. <sup>44</sup> Empa ha a e-ba bohlokong bo otlang pelo a tsoela pele ho rapela ka tieo haholo; ‘me mofufutso oa hae oa e-ba joaloka marotholi a mali a rothelang fatše. <sup>45</sup> Eaba oa ema ka mor’oa ho rapela, o ea ho barutuoa ‘me o ba fumana ba otsela ka lebaka la ho sareloa; <sup>46</sup> eaba o re ho bona: “Ke hobane’ng ha le robetse? Tsohang ‘me le tsoele pele ho rapela, hore le se ke la kena molekong.” <sup>47</sup> Ha a sa ntse a bua, bonang! bongata, ‘me monna ea bitsoang Judase, e mong oa ba leshome le metso e ‘meli, o ne a tsamaea ka pel’oa bona; eaba o atamela Jesu ho mo aka. <sup>48</sup> Empa Jesu a re ho eena: “Judase, na u eka Mor’oa motho ka kako?” <sup>49</sup> Ha ba mo potolohileng ba bona se neng se tla etsahala, ba re: “Morena, re hlathé ka sabole?” <sup>50</sup> E mong oa bona a hlatha lekhoba la moprista ea phahameng ‘me a le tlosa tsebe e tona. <sup>51</sup> Empa ha Jesu a araba a re: “Tlohelang, ho lekane.” Eaba o ama tsebe eo ‘me oa le folisa. <sup>52</sup> Joale Jesu a re ho baptista ba ka sehlooong le batsamaisi ba tempele le banna ba baholo ba neng ba tlil’o mo nka: “Na le tsoile le nkile lisabole le melangoana joalokaha eka le tlil’o tšoara lesholu? <sup>53</sup> Ha ke sa ntse ke e-na le lōna ka tempeleng letsatsi le letsatsi ha lea ka la otlolla matsoho a lōna khahlanong le ’na. Empa ena ke hora ea lōna le matla a lefifi.”

## LA 27 AUGUST-LA 2 SEPTEMBER

MATLOTLO A TSOANG BIBELENG | LUKA 23-24

**“Ikemisetse ho Tšoarela”**

(Luka 23:34) Empa Jesu o ne a re: “Ntate, u ba tšoarele, kaha ha ba tsebe seo ba se etsang.” Ho feta moo, ba lahla lotho e le hore ba abe liaparo tsa hae.

**cl 297 ¶16**

**“Ho Tseba Lerato la Kreste”**

<sup>16</sup> Jesu o ne a bonahatsa ka ho phethahetseng lerato la Ntat’ae ka tsela e ‘ngoe ea bohloko –o ne a “itokiselitse ho tšoarela.” (Pesaleme ea 86:5) Boikemisetso bona ba hae bo ile ba totobala le ha a se a le thupeng ea tlhokofatso. Jesu o ile a re’ng ha a le makhateng a ho shoa lefu le tlottollang, a khokhohetsoe ka lipekere matsohong le maotong? Na o ile a ipiletsa ho Jehova hore a otle babolai ba hae? Che, ho e-na le hoo, a mang a mantsoe a ho qetela ao Jesu a ileng a a bua ke a reng: “Ntate, u ba tšoarele, kaha ha ba tsebe seo ba se etsang.”—Luka 23:34.

**(Luke 23:43)** Eaba o re ho eena: “Kannete kea u borella kajeno, U tla ba le ’na Paradeiseng.”

**g 2/08 11 ¶5-6**

**Na Molimo o Tšoarela Libe Tse Tebileng?**

Jehova ha a hlokomele sebe feela empa o bona le tsela eo moetsalibe a ikutloang ka eona. (Esaia 1:16-19) Ak’u nahane ho se hokae ka banna ba babeli ba linokoane ba neng ba khokhohetsoe thupeng haufi le Jesu. Kamoo ho bonahalang kateng, ka bobeli ba ne ba entse liketso tse tebileng tsa tlölo ea molao, kaha e mong oa bona o ile a lumela a re: “Re amohe-la ka botlalo se re tšoanelang bakeng sa lintho tseo re ileng ra li etsa; empa monna enoa [Jesu] ha aa ka a etsa letho le tsoileng tseleng.” Mantsoe a builoeng ke monna eo a bontša hore o ne a tseba ho itseng ka Jesu. E ka ’na eaba tsebo eo e ile ea mo thusa hore a fetole boikutlo ba hae. Sena se bontšoa ke mantsoe a latelang ao a ileng a a bua, khetlong lena a kōpa Jesu ka tieo, a re: “U nkhopole ha u kena ‘musong oa hao.” Kreste o ile a mo arabela joang ha a etsa boipiletso boo bo matla? O ile a re: “Kannete kea u borella kajeno, U tla ba le ’na Paradeiseng.”—Luka 23:41-43.

Ak’u nahane ka seo: Mantsoe a ho qetela a Jesu

e le motho oa nama a kenyelletsa pontšo ea mohau ho motho ea neng a lumetse hore o tšoaneloa ke kahlolo ea lefu. Ruri seo ke se khotthsang! Ka hona, re ka kholiseha hore Jesu Kreste le Jehova, Ntate oa hae, ba tla qenehe-la bohole ba bontšang pako ea sebele, ho sa tsotellehe lintho tseo ba li entseng nakong e fetileng.—Baroma 4:7.

**(Luke 24:34)** ba re: “Kannete Morena o tsositsoe ’me o bonahetse ho Simone!”

**cl 297-298 ¶17-18**

**“Ho Tseba Lerato la Kreste”**

<sup>17</sup> Mohlomong mohlala o mong o amang maikutlo le ho feta oa ho tšoarela ha Jesu o ka bonoa tseleng eo a ileng a tšoara moapostola Petrose ka eona. Ha ho pelaelo hore Petrose o ne a rata Jesu haholo. Ka la 14 Nisane, bosiung ba ho qetela ba bophelo ba Jesu, Petrose o ile a re ho eena: “Morena, ke loketse ho ea le uena chankanneng le lefung.” Empa, lihora tse seng kae feela hamorao, Petrose o ile a latola ka makhetlo a mararo hore o tseba Jesu! Bibele e re bolella se ileng sa etsahala ha Petrose a latola ka lekhetlo la boraro: “Eaba Morena oa reteleha o sheba Petrose.” A sithabelitsoe ke sebe sa hae se tebileng, Petrose a “tsoela ka ntle ’me [a] lla habohloko.” Ha Jesu a e-shoa hamorao letsatsing leo, e ka ’na eaba moapostola eo o ne a ipotsa, ‘Na ebe Morena oa ka o ntšoaretse?’ —Luka 22:33, 61,62.

<sup>18</sup> Petrose ha aa ka a tlameha ho letela karabo nako e telele. Jesu o ile a tsosoa hoseng ha la 16 Nisane, ’me kamoo ho bonahalang kateng o ile a etela Petrose hona letsatsing leo. (Luka 24: 34; 1 Bakorinthe 15:4-8) Ke hobane’ng ha Jesu a ile a isa tlhokomelo e khethelileng ho moapostola eo ea neng a Mo latotse ka matla hakaalo? E ka ’na eaba Jesu o ne a batla ho tiisetka Petrose ea bakileng hore Morena oa hae o ne a ntse a mo rata a bile a mo ananela. Empa Jesu ha aa ka a qetella ka ho tiisetka Petrose seo feela.

## Batlisia Matlotlo a Patiloeng

**(Luka 23:31)** Hobane haeba ba etsa lintho tsena ha sefate se le mongobo, ho tla etsa-hala’ng ha se omeletse?”

**Litthaloso tsa Lu 23:31 tse ho nwtsty-E**

**ha sefate se le mongobo, . . . ha se omeletse:** Jesu o ne a bua ka sechaba sa Bajuda. Ba ne ba tšoana le sefate se shoang, se ntseng se e-na le mongobo, kaha Jesu o ne a ntse a le teng hape ho e-na le Bajuda ba ’maloa ba lumenlang ho eena. Leha ho le joalo, haufinyane Jesu o ne a tla bolaoa ’me Bajuda ba tsepahalang ba ne ba tla tlotsa ka moea o halalelang e be karolo ea Israele ea moea. (Bar 2:28, 29; Gal 6: 16) Ka nako eo, Baiseraele ba tlhaho ba ne ba tla lahla Molimo ’me ba tšoane le sefate se omeletseng.—Mat 21:43.

**(Luka 23:33)** Ha ba fihla sebakeng se bittsoang Lehata, ba mo khokhothela thupeng le baetsi bao ba bobe, e mong ka ho la hae le letona ’me e mong ka ho le letšeħali.

**Litšoantšo tse ho nwtsty-E**

**Sepekere Lesapong la Serethe**

Sena ke setšoantšo sa lesapo la serethe sa motho le khokhothetsoeng ka sepekere se bolele ba lisenthimithara tse 4.5. Setšoantšo sa pele se ile sa fumanoa ka leboea ho Jerusalema ke baepolli ba lintho tsa khale ka 1968 ’me se bontša hore se entsoe nakong eo Roma e neng e busa lefatše. Se paka hore mehleng ea khale ha batho ba ne ba ahloletsoe lefu, ho ne ho sebelisoa lipekere ho ba khokhothela thupeng. Mohlomong sepekere se na se tšoana le seo masole a Roma a ileng a se sebelisa ho khokhothela Jesu thupeng. Setšoantšo sa maiketsetso sa lesapo la serethe sa motho le khokhothetsoeng ka sepekere, le ile la fumanoa ka har’alikese le entsoeng ka lejoe, e leng moo ho neng ho behoa masapo a motho ka mor’ā hore nama ea hae e bole. Taba ena e paka hore motho ea ileng a khokhothela thupeng eaba o shoella teng, o ne a patoa lebitleng.

## 'Malo oa Bibele

**(Luka 23:1-16)** Kahoo letšoelé la ema, kao-fela, 'me la mo isa ho Pilato.<sup>2</sup> Joale ba qala ho mo qosa, ba re: "Re fumane monna enoa a khelosa sechaba sa habo rōna 'me a hane-la ho lefshoa ha makhetho ho Cesare 'me a re ke eena Kreste morena."<sup>3</sup> Joale Pilato a mo botsa potso: "Na u morena oa Bajuda?" Ha a mo araba a re: "Ke uena ea bolelang joalo."<sup>4</sup> Joale Pilato a re ho baprista ba ka sehloohong le bongata: "Ha ke fumane molato ho monna enoa."<sup>5</sup> Empa ba qala ho tsittlella, ba re: "O ferekanya batho ka ho ruta ho pholletsä le Judea eohle, esita le ho qala Galilea ho tla fihla mona."<sup>6</sup> Ha Pilato a utloa seo, a botsa hore na monna eo ke Mogalilea,<sup>7</sup> 'me, ka mor'a ho fumana hantle hore o ne a tsoa sebakeng se taolong ea Heroda, a mo romela ho Heroda, eo le eena a neng a le Jerusalema matsatsing ana.<sup>8</sup> Ha Heroda a bona Jesu a thaba haholo, kaha ka nako e telele o ne a batla ho mo bona ka lebaka la hore o ne a utloile ka eena, 'me o ne a tšepile ho bona pontšo e 'ngoe e etsoang ke eena.<sup>9</sup> Joale a qala ho mo botsa ka mantsoe a mangata haholo; empa ha aa ka a mo araba.<sup>10</sup> Leha ho le joalo, baprista ba ka sehloohong le bangoli ba 'na ba ema 'me ba mo qosa ka matla.<sup>11</sup> Joale Heroda hammoho le balebeli ba hae ba masole ba mo nyelisa, 'me a mo fetola li-tše-ho ka ho mo apesa seaparo se khanyang eaba o mo khutlisetsa ho Pilato.<sup>12</sup> Joale Heroda le Pilato ba fetoha metsoalle letsatsing lona leo; etsoe pele ho moo ba ne ba ntse ba e-na le bora pakeng tsa bona.<sup>13</sup> Joale Pilato a bokella baprista ba ka sehloohong le babusi le sechaba<sup>14</sup> eaba o re ho bona: "Le tlisitse monna enoa ho 'na le re o susumelletsa batho ho etsa bofetoheli, 'me, bonang! ke mo hlahlobile ka pel'a lōna empa ha kea fumana ho monna enoa lebaka la liqoso tseo le mo qosang ka tsona.<sup>15</sup> Ha e le hantle, le Heroda

ha aa ka a le fumana, kaha o ile a mo khutlisetsa ho rōna; 'me, bonang! ha aa etsa letho le tšoaneloang ke lefu.<sup>16</sup> Ka hona ke tla mo shapa 'me ke mo lokolle."

